



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 395. Usque Ad Annum 428

Fleury, Claude

August. Vind. [u.a.], 1759

VD18 90117794

§. 54. Colloquim cum Pascentio.

[urn:nbn:de:hbz:466:1-66042](https://nbn-resolving.org/urn:nbn:de:hbz:466:1-66042)

Sæculum V.
A.C. 428.

n. 14.

tatem Dei, inæqualitatem probare omnibus viribus nitebatur. *Hic est solus Deus, inquiebat: quem Iesus Christus, & Spiritus S. adorant, quem omnis Creatura reveretur. Hac ratione dicimus esse unum.* Ad hæc S. Augustinus dixit: *ex hoc sequitur, aut vos Iesum Christum non adorare, aut non unum, & solum Deum.* Deinde petiit, ut ex Scriptura probaret, quod Spiritus S. Patrem adoret, concedens, a Filio, tanquam homine, adorari. Spiritus S. Divinitatem probavit ex eo, quod Eidem templa erecta sint, quod soli Deo convenit. Maximinus reliquum conferendi tempus longo, & inutili sermone consumpsit, & Carthaginem reversus, se ex hoc colloquio victorem iactavit. Hinc S. Augustinus permotus est, ut insolentem refutaret duobus libris; in primo probat, Maximinum ad objecta respondere non potuisse. In secundo ad omnia ejus dicta respondet.

§. LIV.

Colloquium cum Pascentio.

Possid. c. 17. Aliud quoque colloquium S. Augustinus, sed verosimiliter superioribus annis cum Ariano instituit. Pascentius is erat Comes Cæsaris domesticus, id est, Cæsarei fundi Curator, qui muneris Auctoritate abutens, summo rigore jura Fisci exigebat, Catholicis insultans, fidem simplicem

cem sequentibus. S. Augustinum etiam ^{Sæculum V.} aggressus, per viros honoratos ad dispu- ^{A. C. 428.} tationem provocavit. His itaque præ-
sentibus Carthagine a mane usque ad
vesperam colloquium institutum. Ini-
tio, cum sermo fuisset de Ario, & Euno-
mio, S. Alypius, qui aderat, interrogavit,
cui ex ambobus Auxentius, ab Pascentio
prius multum laudatus, adhæreret? tum
Pascentius elata voce Arium, & Euno-
mium anathematizavit, petens, ut etiam
S. Augustinus vocem *homousios*, id est,
consubstantialis anathematizaret, quasi
vero vox ista fuisset aliqua Persona; in-
stabat deinde, ut sibi hæc vox in Scriptu-
ra monstraretur. Post hæc fidei suæ Pro-
fessionem edixit talem, quali S. Augusti-
nus subscribere paratus erat; hanc ergo ^{n. 6.} Pascentius scripsit, & vocem inseruit: *In-*
genitus. Tunc vero S. Augustinus quo-
que instare, ut hanc vocem alicubi in
Scriptura ostenderet, atque ita demonstra-
vit, non esse perquirendas voces, quando
de sensu constat. Cum ita premeretur Pas-
centius, papyrus, qua fidei suæ Confessio-
nem exoraverat, e manibus S. Augustini
raptam, laceravit. Condixerunt, ut post
prandium amanuenses, notis scribentes,
haberent, qui colloquentium verba exci-
perent. Hora statuta cum his Notariis re-
dierunt; sed Pascentius mutaverat men-
tem, nec admittere volebat, ut quidquam

N n n 5 adno-

Sæculum V.
A. C. 428.

adnotaretur, S. Augustino instante, dixit iratus: *præstitisset illa credere, quæ de te absente acceperam, nunc te tanta fama longe imparem inveni.* S. Augustinus respondit: *dixeram tibi, sæpe famam fallere. Veritatem dixisti,* reposuit Pascentius: & S. Augustinus: *cum igitur aliud a fama, aliud a me ipso acceperis, fallax sit illa, si modo ego verax sim.* Perseveravit Pascentius negando, posse se consentire, ut quidquam scriberetur, dicens, forte sibi lites suscitandas ob leges, in Hæreticos latas. S. Augustinus vero cum præsentibus Episcopis colloquium profectus est, prædicens, quod etiam contingit, quemque deinde, quod sibi placeret, in publicam lucem sparsurum.

§. LV.

Nestorius Episcopus Constantinopolitanus.

Sup. n. 44. Sedes Constantinopolitana post Sisinnii *Socr. VII.* obitum aliquamdiu vacavit, quamvis *c. 29. Libe-* non deessent, qui Philippum, & alii, qui *rat. brev.* Proclum in Episcopum exoptarent; ut *c. 4. Evagr.* vero omnis ambitionis tolleretur occasio, in aula decreverunt, nullum hujus Ecclesiæ Clericum in hanc Sedem collocare. Ergo externus advocatur; Nestorius is fuit, natus Germaniciæ, sed Antiochiæ educatus, ubi adhuc infans baptizatus fuerat. Ad vitam Monasticam institutus